

第二十九卷

28
30

神農本草經疏卷之二十九

菜部下品

總二十二種今疏其要者四種

葫

馬齒莧

茄子

樛附

蕺

葫

蒜也

味辛溫有毒主散癰腫匿瘡除風邪殺毒

氣獨子者亦佳歸五藏久食傷人損目明

忌雞子狗肉鯽魚魚脰魚鮓丹皮地黃何首烏

○疏○葫大蒜也稟火金之氣以生故其味辛

氣溫辛溫太甚故其性有毒熏臭異常不宜
多食入足陽明太陰厥陰經辛溫能辟惡散
邪故主除風邪殺毒氣及外治散癰腫匿瘡
也辛溫走竅無處不到故主歸五藏脾胃之
氣最喜芳香熏臭損神耗氣故久食則傷人
肝開竅於目目得血而能視辛溫太過則血
耗而目損矣總之其功長於通達走竅去寒
溼辟邪惡散癰腫化積聚煖脾胃行諸氣故

蘇恭主下氣消穀化肉燕器主風溼破冷氣
爛痲痺伏邪惡宣通溫補日華子主健脾胃
治腎氣止霍亂轉筋腹痛除邪祟解溫疫等
用也

主治參互

外臺秘要關格脹滿大小便不通獨頭蒜燒
熟去皮綿裹納下部氣立通 又方治金瘡
中風角弓反張取蒜一大升破去心無灰酒

四升煮令極爛并滓服一大升須臾得汗則
瘥 簡要濟衆治鼻血不止服藥不應用蒜
一枚去皮細研如泥攤一餅子如錢大厚一
豆許左鼻血出貼左腳心右鼻血出貼右腳
心兩鼻俱出皆貼之立瘥血止急以溫水洗
腳心 外科精要背瘡灸法凡覺背上腫硬
疼痛以溼紙貼尋瘡頭用大蒜十顆淡豆豉
半合乳香一錢細研勻隨瘡頭大小用竹片

至痒痒灸至痛以百壯爲率效 永類鈴方
乾溼霍亂轉筋用大蒜搗塗足心立愈 普
濟方寒瘧冷痢端午日以獨頭蒜十箇黃丹
二錢搗丸梧子大每服九丸長流水下妙
衍義暴下血病用葫五七枚去皮研膏入豆
豉搗丸梧子大每米飲下五六十九丸無不愈
者 華佗行道見車載一人病咽塞食不下

呻吟佗視曰餅店家蒜薤大酢三升飲之當
自痊果吐大蛇一枚而愈

簡誤

蒜性溫屬火氣味臭烈凡肺胃有熱肝腎有
火氣虛血弱之人切勿沾唇雖有煖脾胃祛
寒溼之功亦宜暫用切勿過施過則生痰動
火傷神散氣損日耗血切戒切戒

馬齒莧主目盲白翳利大小便去寒熱殺諸蟲

止渴破癥結癰瘡服之長年不白和梳垢封疔
腫又燒爲灰和多年醋滓先灸疔腫以封之卽
根出生搗絞汁服當下惡物去白蟲煎爲膏塗
白禿又主三十六種風結瘡以一釜煮澄清內
蠟三兩重煎成膏塗瘡上亦服之

萬反酸五殺人忌三厥粉

疏○馬齒莧稟天之陰寒兼得地中之金氣
滋生故葉節間有水銀以其得金氣多也味
應辛苦氣寒無毒經云榮氣不從逆於肉裏

乃生癰腫原病式云諸痛痒瘡瘍皆屬心火
辛寒能涼血散熱故主癥結癰瘡疔腫白禿
及三十六種風結瘡搗敷則腫散疔根拔絞
汗服則惡物當下內外施之皆得也辛寒通
利故寒熱去大小便利也苦能殺蟲寒能除
熱故主殺諸蟲去寸白止渴辛寒能散肺家
之熱故主目盲白翳也長年不白總言其涼
血益血病去身輕之功耳方士多采取用以

其亦有代砂結汞之能也

主治參互

崔元亮治赤白下不問老幼孕婦悉可服取
馬齒莧搗絞汁三大合和雞子白一枚微溫
頓服之不過再作則愈 又方療多年惡瘡
百方不瘥或痛熯走不已者竝爛搗馬齒莧
敷上不過三兩遍卽愈 廣利方小兒火丹
熱如火透臍卽損人馬齒莧搗塗之 崔元

亮方疥瘡腫毒馬齒莧二分石灰三分爲末
雞子白和傅之

簡誤

馬齒莧辛寒滑利凡脾胃虛寒腸滑作泄者
勿用煎餌方中不得與鼈甲同入令化作小
鼈傷人也

茄子味甘寒久冷人不可多食損人動氣發瘡
及痼疾根及枯莖葉主凍脚瘡可煮作湯漬

之良

疏○茄內稟地中一陰之氣外受南方熱火之陽故其花實皆紫本經雖云甘寒必是溼中有火使非溼熱則不能動氣發瘡及痼疾也溼勝則久冷人多食有損熱勝故能主凍脚瘡也孟詵云主寒熱五藏勞大明治溫疾傳尸勞氣皆非正治惟腫毒家用之爲當耳

主治參互

靈苑方腸風下血經霜茄連蒂燒存性爲末
每日空心溫酒服二錢匕 丹溪方治乳頭
裂用茄子老黃者燒灰傅之 鮮茄蒂鮮何
首烏等分煮飲治對口瘡有神 茄稈燒灰
淋汁和入桑礪城等藥諸癰腫疔瘡有效

簡誤

茄觀本經所說止是損人竝無利益後人雖

有處台之法然冬與本經自夫凡有箇矣及

虛冷人切不可食近世為茹菜中常用之物

尊生者當慎之

藪味辛微溫主蠹蝮溺瘡多食令人氣喘俗呼魚腥

草

多食令人氣喘脚氣人食之成痼疾

疏○藪生於下濕之地得陰中之陽故其味

辛氣溫入手太陰經能治痰熱壅肺發為肺

癰吐膿血之要藥辛溫主散故能治蠹蝮溺

瘡肺主氣辛溫能散氣故多食令人氣喘肺

與大腸爲表裏大腸溼熱盛則爲痔瘡得辛
溫之氣則大腸清寧故又爲痔瘡必須之藥
主治參互

單用搗汁入年久芥菜瀹飲之治肺癰有神
救急方痔瘡腫痛魚腥草一握煎湯熏洗
仍以滓傅卽愈

簡誤

戢止能消肺癰治痔瘡塗非所長况多食令

人氣喘發虛弱損陽氣發肺氣等害慎之慎
之

卷之二十一

八

補遺

玉石部

黃土

蚯蚓泥

糞坑底泥

烏爹泥

煙膠

石鹼

銀朱

爐甘石

方諸水

木部

木芙蓉

山茶花

木綿子

肥皂莢

大風子

樟腦

蛙竹屑

人部

人氣

獸部

黃明膠

霞天膏

狗寶

山獺陰莖

羊脛骨

蟲部

米穀部

亞麻

粟殼

鬮子粟

阿芙蓉

菜豆粉

豌豆

蠶豆

豇豆

刀豆子

紅麴

○玉石部

黃土味甘平無毒主洩痢冷熱赤白腹中熱毒

絞結痛下血取入地乾土以水煮三五沸絞去

滓煖服一二升又解諸藥毒中肉毒合口椒毒

野菌毒

張司空云三尺以上曰糞三尺以下曰土凡用當去上惡物勿令入客水

疏○土為萬物之母黃乃中央正色在人臟

腑則脾胃應之故萬物非土不生人身五臟

六腑非脾胃無以養是以黃土入藥治洩痢

冷熱赤白腹中熱毒絞結痛者取其補助戊

巳之功也味甘而氣和故能安和脾胃止下

血及解百毒如經所言也

主治叅互

小兒秘訣烏沙驚風遍身都黑者急推向下
將黃土一盞搗末入酢一鍾炒熱包定熨之
引下至足刺破爲妙 氣味和平與物無迕
故不著簡誤

蚯蚓泥卽蚯蚓屎也味甘氣寒無毒赤白久熱
痢取一升炒烟盡沃汁半升濾淨飲之蓋久痢

乃溼熱甚於腸胃得甘寒之氣則溼熱自除矣
日華子主小兒陰囊忽虛熱腫痛以生甘草汁
入輕粉末調塗之以鹽研傅瘡去熱毒及蛇犬
傷蘇恭主傳狂犬傷出犬毛者神效皆取甘寒
除熱解毒之力耳

主治參互

外臺秘要一切丹毒水和蚯蚓泥傅之 丹

溪方時行腮腫栢葉汁調蚯蚓泥塗之 摘

玄方燕窩生瘡非地蚰蟥屎米汁水和煨過
入百草霜等分研末香油調塗之 又方治
下部楊梅結毒非地上蚯蚓泥硫黃等分研
勻用泥封固作團煨過取出研細生桐油調
搽

簡誤

虛寒滑利不宜用

糞坑底泥大寒無毒治發背諸惡瘡陰乾爲末

新水調傅其痛立止聖濟總錄治疔腫糞下土
蟬蛻全蠍等分搗作錢大餅香油煎滾溫服以
滓傅瘡四圍疔自出也今人以熱糞盛核桃殼
內覆疔腫上云疔根卽爛出卽此意也

烏爹泥味苦瀋平無毒主清上膈熱化痰生津

塗金瘡一切諸瘡生肌定痛止血收溼一名孩

兒茶

出南番瓜哇暹羅諸國今雲南老撾暮雲
塲地方造之云是細茶末入竹筒中堅塞

兩頭埋烏泥溝中日久取出搗汁熬製而成

疏○烏參泥本是茶末又得土中之陰氣其
味苦瀹氣應作寒性無毒其主清上膈熱化
痰生津者茶之用也得地中之陰氣能涼血
清熱故主金瘡止血及一切諸瘡生肌定痛
也若能燥瀹能斂故又主收溼氣

主治參互

積德堂方牙疳口瘡孩兒茶朋砂等分爲末
漆之 纂奇方下疳陰瘡孩兒茶一錢真珠

一分片腦半分爲末傅之 董炳方脫肛氣

熱孩兒茶二分熊膽五分片腦一分爲末人

乳調搽肛上熱汁自下而肛收也亦治痔瘡

今人多用外治內服甚少故不著簡誤

煙膠味辛苦氣微溫辛能散風苦能燥溼殺蟲

故主頭瘡白禿疥瘡風癬痒痛流水取燂牛皮

竈岸煙膏爲末麻油調塗或入輕粉少許此即

牛皮竈上

石鹼味辛苦瀦氣溫微毒性能除垢膩磨積塊

過服能損人同石灰桑礪透肌肉潰癰瘰癧云

瘰癧肉點痣壓疣贅今人用以澣衣出山東瀋寧大同諸處彼

人採蒿蓼之屬開窖浸水漉起晒乾燒灰以原

水淋汁每百斤入粉麵一二斤則凝定如石連

簡誤

鹼不軟堅消積之物食之使人泄瀉以其陰

溼之性潤下軟堅透肉故於腸胃非宜作泄

胃薄者忌之

銀朱乃硫黃同汞升鍊而成其性燥烈過服能
使人齟爛筋攣其味辛氣溫有毒亦能破積滯
散結療癰疥惡瘡殺蟲不宜服食今人多以黃
丹礬紅雜之不堪用

主治叅互

李樓怪症方火焰丹毒銀朱調雞子清塗之

多能鄙事湯火灼傷銀朱研細菜油調敷

○應急良方日久頑瘡不收者銀朱一錢地

龍骨每斤年久五分松香五錢為末香油一兩

化攤紙上貼之兼能治溼毒臙瘡

爐甘石味甘溫無毒主止血消腫毒生肌明目

去翳退赤收溼除爛同龍腦點治目中一切病

李時珍云凡用以火煨紅入童便淨七次水洗研粉水飛晒乾用

疏○爐甘石受金氣而結味應甘辛氣溫無

毒其性帶澀經曰榮氣不從逆於肉裏乃生

癰腫甘溫能通暢血脉則腫痛散血自止肌

肉生也又目得血而能視風熱上壅則目爲
赤爛膚腎甘入脾而益血辛溫能散風熱性
澀則能粘物故同除腎藥點目翳及治目中
一切病也

主治叅互

一切目疾真爐甘石半斤用黃連四兩剉碎
入銀石器內水二盃煮二伏時去黃連以甘
石爲末入龍腦香二錢半研勻罐收每點少

許頻用取効。邵真人方下疳陰瘡爛卅石
煨醋淬七次一兩孩兒茶三錢爲末麻油調
敷立効

方諸水味甘寒無毒主明目定心去小兒熱煩
止渴

方諸大蚌也向月取之得二三合水亦如朝
露又名明水得至陰之精華故能明目定心
及止渴除煩熱也又爲丹竈家所須

○木部

木芙蓉

稟夏末秋初之氣故其味辛辛屬金化故能
清肺其氣平平即涼也故能涼血散熱解毒
兼治一切癰疽腫毒惡瘡排膿止痛小兒疳
積

主治叅互

霜時采花霜後采葉陰乾研用

簡便方 癰疽腫毒重陽前取芙蓉葉研末端

九
午前取蒼耳燒存性研末等分蜜水調塗四圍其毒自不走散名鐵井欄他用甚稀故不著簡誤

山茶花

得一陽之氣以生故其花開於冬末春初之時其味甘而微辛氣平而微寒色赤而入血分故主吐血衄血腸風下血並爲末入童溺

及酒調服

水綿子

得地中之陽氣復感秋金之氣以成其味辛其氣熱其性有毒入肝入腎祛風溼寒溼之藥也惟其辛故能散風邪惟其熱故能除寒溼凡下部有風寒溼邪者宜之然而性熱有毒肝腎虛者不宜用一切陰虛火熾痿弱下體無力者咸忌之

肥皂核

生於盛夏六陽之令而成於秋金之月得火
金之氣故其味辛氣溫有毒凡腸胃有垢膩
穢惡之氣鬱於中則外生瘰癧惡瘡腫毒泄
於外則爲腸風下痢膿血此藥專能盪滌垢
膩宣通穢積腸胃潔淨則諸證自除也

主治參互

秘方治瘰癧用肥皂去核入斑貓在內紮緊
蒸去斑貓加入貝母天花粉玄參甘草牛旁

子連翹爲丸每服一錢白湯下服後腹疼
慮此藥力追毒之故 獨核仁同猪胰子金
銀花皂角刺芭蕉根雪裏紅五加皮土茯苓
皂莢子白殭蠶木瓜蟬腿白蘚皮治黧瘡久
虛者加人參黃耆薏苡仁兼治結毒 普濟
方腸風下血獨子肥皂燒存性一片爲末糊
丸米飲下。又方治臘梨頭瘡用獨核肥皂
去核填入沙糖入巴豆二枚紮定鹽泥固煨

存性再入檳榔輕粉六七分研勻香油調搽
先以湯洗淨拭乾乃搽一宿見效
除瘡毒
外無他用故不著簡誤

大風子

李時珍取大風子油法用子三斤去殼及黃油者研極爛入磁器盛之封口入滾湯中煮至豆勿令透

稟火金之氣以生故其味辛苦氣熱有毒辛

氣又武火煮黑色如膏可以私家用外敷搽良不可多服

能散風苦能殺蟲燥溼溫熱能通行經絡世

人用以治大風癘疾及風癰疥癩諸瘡悉此

意耳然性熱而燥傷血損陰不宜多服用之

外治其功不可備述也

樟腦

一名韶腦

李時珍曰每二兩以三碗合住濕紙糊口文武火煉片時取起離火待冷掃下用

得純陽之氣其味辛其氣熱初時以水煎成

後得火則焰熾不息其稟龍火之性者乎氣

亦香竄能通利關竅逐中惡邪氣復能去溼

殺蟲凡一切疥癬風瘙溼毒瘡瘍等證皆所

須用

蛀竹屑

年久枯竹中蠹屑也竹之餘氣尚存其氣味
必甘平無毒甘能解毒平則兼散故可用爲
蝕膿長肉之藥也

主治參互

同象牙末真珠白礬等藥能消漏管方見象
牙條下 朱氏集驗方耳出臭膿用蛙竹屑
臙脂胚子等分麝香少許爲末吹之。普濟
方耳膿作痛因水入耳中者蛙竹屑一錢臙

粉一錢麝香五分爲末以綿杖絞淨送藥入
耳以綿塞定有惡物放令流出甚者三度必
愈。又方溼毒賺瘡蛙竹屑黃檗末等分先
以葱椒茶湯洗淨搽之日一次效 外臺秘
要湯火灼瘡蛙竹屑末傅之愈

○人部

人氣

主下元虛冷日令童男女以時隔衣進氣臍
中及兩腰腎間甚良凡人身體骨節痺痛令
人更互呵熨久久經絡通透蓋氣屬陽爲一
身之健運卽真火也天非此火不能生物人
非此火不能有生故老人虛人與二七以前
少陰同寢藉其熏蒸最爲有益下元虛冷火

氣衰也得外入之少火乃所以補其不足骨節疼痺血泣不行也血不自行隨氣而行故能使骨節通暢也近時術士令童女以氣進入鼻竅臍中精門以通三田謂之接補此亦小法不得其道者反以致疾

○獸部

黃明膠味甘平無毒主諸吐血下血血淋妊婦胎動下血風溼走注疼痛打撲傷損湯火灼瘡一切癰疽腫毒活血止痛

即牛皮膠

按本經白膠一名鹿角膠煮鹿角作之阿膠一名傅致膠煮牛皮或驢皮作之其說甚明黃明膠即今水膠乃牛皮所作其色黃明非白膠也亦非阿井水所作甄權以黃明爲鹿

角白膠唐慎微又採黃鬪諸方附於白膠後
竝誤矣其氣味與阿膠同故其所主亦與阿
膠相似以非阿井水及驢皮同造故不能疎
利下行以其性味皆平補亦宜於血虛有熱
者若鹿角膠則性味溫補非虛熱者所宜不
可不詳辨也

主治參互

蘭氏方跌撲損傷真牛皮膠一兩乾冬瓜皮

一兩剉同炒存性研末每服五錢熱酒一鍾
調服仍飲酒二三盞煖卧微汗痛止 本事
方諸般癰腫黃剛膠一兩水半升化開入黃
丹一兩煮勻以鵝翎掃上瘡口如未成者塗
其四圍自消 阮氏經驗方背疽初起用黃
剛牛皮膠四兩入酒重湯頓化隨意飲盡不
能飲者滾白湯飲之服此毒不內攻一方加
穿山甲四片炒成末其妙無比

膏天膏味甘溫無毒主中風偏廢口眼歪斜痰涎壅塞五藏六府留痰宿飲癱塊手足皮膚中痰核其法用肥嫩雄黃牛肉三四十斤洗極淨水煮成糜濾去滓再熬成膏用

倒念法用此以吐利之服後須戒止牛肉五年

疏○胃屬土爲水穀之海無物不受胃病則水穀不能以時運化羈留而爲痰飲壅塞經絡則爲積痰老痰結痰等證陰虛內熱生痰則爲偏廢口眼歪斜留滯腸胃則爲宿飲癱

塊隨氣上湧則爲喘急迷悶流注肌肉其爲
結核王隱君論人之諸疾悉由於痰然而痰
之所生總由於脾胃虛不能運化所致惟用
霞天膏以治諸痰證者蓋牛土畜也黃土色
也肉者胃之味也熬而爲液雖有形而無濁
質也以脾胃所主之物治脾胃所生之病故
能由腸胃而滲透肌膚毛竅搜剔一切留結
也陰虛內熱之人往往多痰此則由於水涸

火熾煎熬津液凝結爲痰膠固難散者亦須
以此和竹瀝貝母橘紅蘇子栝樓根枸骨葉
之類消之或以橘皮白茯苓蘇子白豆蔻仁
半夏蒼朮爲麴治脾胃積痰或以橘皮貝母
蘇子栝樓根及仁蓬砂爲麴治積熱痰結

狗寶

狗寶如牛之有黃也第狗性熱其寶定是苦
溫之物世人用治壹證以其苦能下泄溫能

通行耳又能主癰疽疔腫同蟾酥腦麝雄黃
乳香沒藥等用

簡誤

狗寶性熱善消噎病由於痰及虛寒而得者
猶可暫用取效若因血液衰少以致噎膈者
法所當忌世醫不諳藥理不察病本一槩妄
投致病增劇戒之戒之又凡有脾胃虛弱羸
瘦不振之病尤不宜用

山獺陰莖味甘熱無毒主陽虛陰痿精寒

此物出廣之宜州岷峒及南丹州土人號爲
插翹其性姪毒山中有此物凡牝獸皆避去
獺無偶則抱木而枯猺女春時成羣入山以
采物爲事獺聞婦人氣必躍來抱之刺骨而
入牢不可脫因扼殺之負歸取其陰一枚值
金一兩若得抱木死者尤奇貴峒獠甚珍重
之私貨出界者罪至死本地亦不常有多儲

者謂之之法但令婦人摩手極熱取置掌心
以氣呵之趨然而動者爲真

羊脛骨

本經無文綱目載其主虛冷勞及脾弱腎虛
不能攝精白濁除溼熱健腰脚固牙齒去齩
黯治誤吞銅鐵金銀等證按名醫別錄云昔
漢上張成忠女年七八歲誤吞金饋子一隻
胸膈痛不可忍憂惶無措一銀匠炒末藥三

錢米飲服之次早大便取下叩求其方乃羊
脛灰一物蓋羊脛骨灰可以磨鏡羊頭骨灰
可以消鐵故能治如是之證談野翁亦有此
方乃秘妙神效之法也

主治參方

食鑑擦牙固齒羊脛骨灰一兩升麻一兩黃
連五錢爲末入青鹽和勻日用
聖惠方
喉骨鯁羊脛骨灰米飲下一錢

○蟲魚部

鰕魚膽

李廷飛延壽書云鰕髮日刺凡十二以應十二月誤吞害人惟橄欖核磨水可解

此魚最能發溼。惟膽能治魚骨鯁及竹木刺。誤吞入喉不出。或吞入腹。腹中作痛隱隱。皆效。狀如鱸魚者是。

卷之五

一、

二、

三、

四、

五、

六、

亞麻

卽鼈蝨胡麻出兗州威勝軍今陝州亦種之
其味甘氣溫無毒足厥陰經血分藥也厥陰
藏血爲風木之臟凡大風瘡癬總厥陰血熱
所致甘溫益血而通行則血自活風自散癘
疾疥癩瘡癬俱除矣

主治參互

得漆葉苦參荆芥天門冬生地黃青黛百部
白花蛇何首烏半枝蓮豨薟葉刺疾藜甘菊
花治大麻風 同金銀花連翹草薺土茯苓
何首烏蒼朮木瓜薏苡仁生地黃黃檗治溼
熱太甚徧身膿窠瘡

粟殼味酸澀微溫無毒

古方治嗽及瀉痢脫肛遺精多用之今人亦
效尤輒用殊爲未妥不知咳嗽惟肺虛無火

或邪盡嗽不止者用此斂其虛耗之氣若肺家火熱盛與夫風寒外邪未散者誤用則咳愈增而難治瀉痢脫肛由於下久滑脫腸虛不禁遺精由於虛寒滑泄者借其酸澀收斂之氣以固虛脫如腸胃積滯尚多溼熱方熾命門火盛溼熱下流爲遺精者誤用之則邪氣無從而泄或腹痛不可當或攻入手足骨節腫痛不能動或遍身發腫或嘔吐不下食

或頭面俱腫或精竅閉塞水道不通變證百出而淹延不起矣可不慎哉

鬯子粟味甘平無毒主丹石發動不下食和竹

瀝煮作粥食之極美

殼

雷公云以水潤者常反筋膜取外薄皮陰乾細切醋拌炒用亦有以密炒者味酸

疏○鬯粟其花至有千葉者紅白紫黑色有

滋微寒止久痢

數種一鬯內子凡數千萬粒細如葶藶子而

色白本經味甘平無毒蘇頌性寒甘寒除熱

解毒下氣和中故主丹石發動不下食及圖

經行風氣逐邪熱止反胃去胸中痰滯也

阿芙蓉

罌粟花之津液也罌粟結青苞時午後以大
鍼刺其外面青皮勿損裏面硬皮或三五處
次早津出以竹刀刮取入磁器陰乾用之其
氣味與粟殼相同而此則止痢之功尤勝故
小兒痘瘡行漿時泄瀉不止用五釐至一分
未有不愈他藥莫逮也

綠豆粉甘涼無毒主解諸熱益氣解酒食諸毒

治發背癰瘡腫及湯火傷灼

全極食穀人忌鯉魚 魚部

疏○菜豆粉所稟氣味與菜豆同故能解諸

熱及酒食毒湯火傷灼也發背癰疽瘡腫皆

熱毒所致甘寒解陽明之熱則毒氣不至犯

胃而嘔惡腸胃清涼而諸腫散矣熱傷氣除

熱故能益氣也

主治參互

李嗣立外科精要護心散又名內打散乳香
萬全散凡有疽疾一日至十三日內宜連進
十餘服方免變證使毒氣出外服之稍遲毒
氣內攻漸生嘔吐或鼻生瘡菌不食卽危矣
四五日亦宜間服之用真菜豆粉一兩乳香
半兩燈心同研和勻以生甘草煎濃湯調下
一錢時時呷之若毒氣衝心有嘔逆之證大
宜服此蓋菜豆壓熱下氣消腫解毒乳香消

諸癰腫毒服至一兩則香徹瘡孔中真聖藥也一方有丹砂二錢半 衛生易簡解砒石

毒菜豆寒水石等分以藍汁調服三五錢

又方夏月癩瘡菜豆粉二兩滑石一兩和勻

撲之一方加蛤粉 生生編杖瘡疼痛菜豆

粉炒研以雞子白和塗之妙 澹寮方打撲

傷損用菜豆粉炒紫色新汲水調傅以杉木

皮縛定其效如神

○菘豆皮能解熱毒退目翳直指方通神散治
斑痘後目生翳用菘豆皮甘菊花穀精草等
分爲末每服一錢以乾柿餅一枚粟米泔一
盞同煮乾食柿日三服淺者五七日見效遠
者半月見效

簡誤

菘豆粉性涼脾胃虛寒易泄者勿多食

豌豆

卽今之小豌豆也一名胡豆陳藏器云煮食
治消渴孫思邈治寒熱熱中吐逆泄瀉及脹
滿利小便應是甘平無毒入脾胃清利除熱
之物也又能治癰腫痘毒牛都御史秘傳四
聖丹治小兒痘中有疔或紫黑而大或黑壞
而臭或中有紫線此證十死八九惟此方點
之最妙用豌豆四十九粒燒存性頭髮灰三
分真珠十四粒研爲末以油燕脂同杵成膏

先以簪挑疔破啞去惡血以少許點之即
變紅活色 千金外臺洗面澡頭方盛用畢
豆麩取其白膩去黥黥令人光澤也

蠶豆

味甘微辛無毒能厚腸胃和臟腑萬表積善
堂方言一女子誤吞鍼入腹諸醫不能治一
人教令煮蠶豆同葑菜食之鍼自大便同出
今人有誤吞金銀物者用之皆效實救急之

良方也

豇豆

味甘鹹平無毒補腎健胃與諸疾無禁可常
食之昔盧廉夫教人補腎氣每日空心煮豇
豆入鹽少許食之甚效

刀豆子

味甘微溫主溫中下氣止呃逆昔有人病後
患呃逆不止聲聞鄰家或令取刀豆子燒存

性爲末白湯調服二錢卽止此卽丁氣盛
之驗也

紅麴味甘溫無毒主消食活血健脾燥胃治赤
白痢下水穀

疏○紅麴以白粳米雜麴母蒸罨爲之亦奇
術也人之水穀入於胃受中焦溼熱熏蒸精
氣變化而赤爲血紅麴以白米飯受溼熱鬱
蒸而變爲紅皆造化自然之微妙也故紅麴

治脾胃禁血之功有同氣相求之理消食健脾胃與神麴相同而活血和傷惟紅麴爲能故治血痢尤爲要藥

主治參互

得番降香通草鮫鯉甲沒藥治上部內傷胸膈作痛或怒傷吐血和童便服有神效 同

黃連白蘊豆蓮肉黃芩白芍藥升麻乾葛烏

梅甘草滑石橘紅治滯下有神 同續斷番

降香延胡索當歸通州紅花牛膝沒藥乳香治內
傷血瘀作痛 同澤蘭牛膝地黃續斷蒲黃赤
芍藥治產後惡露不尽腹中痛 丹溪心法溼
熱泄痢青六丸用六一散加炒紅麴五錢為末蒸餅
和丸梧子大每六七十丸白湯下日服_三 摘玄方心腹
作痛赤麴香附乳香等分為末酒服

簡訣

性能消導無積滯者勿用又善破血去瘀血者禁使